



Pranuar / Dorezuar Prijmjen / Prodato Received / Delivery	26.05/1	viti god year	
Organ /Njesia Organ./Jednica Org./Unit	Nr Prot Br Prot Prot No	Shtujca Prilog Appendix	Sasia Kolicina Quantity
SKMBHCK	2653/2021		119



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.284/2021

Këshilli i Pavarur Mbikëqyrës për Shërbimin Civil të Kosovës - Kolegji për shqyrtimin e ankesave nga: Arben Mehmeti, kryetare, Ardita Haxhnikaj-Demi dhe Eshref Shabani anëtarë, me Zyle Millaku Gojnovci, Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën A.nr. 284/2021, të datës 19.04.2021 të parashtruar nga ankuesi me adresë banimi rruga „ Kuvendi Qulagës” në Komunën e Lipjanit, kundër organit të punësimit Ministria e Industrisë, Ndërmarrësish dhe Tregtisë, në çështjen juridike “ *kompensim material*”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 26.05.2021, mori këtë:

V E N D I M

Refuzohet si e pa bazuar ankesa me numër A.nr.284/2021, e datës 19.04.2021, e parashtruar nga ankuesi

A r s y e t i m

Ankuesi më datë 19.04.2021, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, lidhur me përgjigjen në kërkesën e datës 01.03.2021(E-mailit), për mos zbatimin e Vendimit të Qeverisë Nr. 02/39 të datës 08.10.2008 të Kryeministrit të Republikës së Kosovës, për shtesat në pagë të profesioneve të kategorive deficitare, të drejtuar Sekretarit të Përgjithshëm të Ministrisë së Industrisë, Ndërmarrësish dhe Tregtisë.

Këshilli i Pavarur Mbikëqyrës për Shërbimin Civil të Kosovës më datë 21.04.2021, ka bërë kërkesë për përgjigjen në ankesë tek Ministria e Tregtisë dhe Industrisë, ndërsa më datë 23.03.2021, Ministria e Tregtisë dhe Industrisë, ka dërguara përgjigje në ankesë tek Këshilli.

Kolegji për Shqyrtimin dhe vendosjen e ankesave për vërtetimin e plotë dhe të drejtë të gjendjes faktike si dhe vendosjes në mënyrë meritore, administroje këto prova: Ankesën A.nr.284/2021 e datës 19.04.2021 drejtuar Këshillit të Pavarur Mbikëqyrës për Shërbimin Civil të Kosovës; Formulari për vlerësimin e punës provuese i datës 11.09.2020; E-mail i datës 01.03.2021; Kërkesë për përgjigje 11.03.2021; shkresë - zyra ndërkombëtare e auditorit; Kërkesë për aprovim të shtesave në pagë e datës



09.12.2020; Vendimi nr.01/39 i datës 08.10.2008 Qeveris së Kosovës; Vendimi nr.02/39 e datës 08.10.2008 Qeveris së Kosovës, Aneks I, Lista dhe titujt e punonjësve që do të jenë përfitues të masave stimuluese duke përfshirë edhe shumë për këto pozita; Akte emërimi i datës 19.09.2019; Përshkrimi i detyrave të punës i datës 01.07.2019; Diplomë e datës 04.08.2017 lëshuar nga Kolegji UBT në Prishtinë; Vendim nr.2251 i datës 01.10.2019; Vendim nr.2269 i datës 08.10.2019 për ndryshim dhe plotësim të vendimit nr.1035 të datës 10.07.2019; Vendim i datës 10.07.2019; Vendim nr.2267 i datës 08.10.2019 për ndryshim dhe plotësim të vendimit nr.1055 të datës 12.07.2019; Vendim i datës 08.10.2019 për ndryshim dhe plotësim të vendimit nr.728 të datës 13.05.2019; Vendim nr.728 i datës 13.05.2019; Vendim n.2268 i datës 08.10.2019 për ndryshim dhe plotësim të vendimit nr.703 të datës 06.05.2019; Vendim nr.703 i datës 06.05.2019; Përgjigje nr. protokollit 1989/21 në ankesë e datës 23.04.2021; Kërkesë nr. protokollit 1935 i datës 21.04.2021, për përgjigje në ankesën e ankuesit nga KPMSHCK; Vendim nr.01/39 i datës 8.10.2019 Qeveria e Kosovës; Vendimi nr.1055 i datës 12.07.2019; Vendimi nr.2265 i datës 08.10.2019; E-mail zyrtar i datës 12.03.2021 drejtuar Ministrisë së Administratës Publike.

Kolegji për Shqyrtimin dhe vendosjen e ankesave, pasi ka shqyrtuar të gjitha shkresat e lëndës të parashtruara nga palët, ka konstatuar se ankesa e ankuesit, *është e pa bazuar sepse:*

Bazuar në provat e lëndës, gjegjësisht Akt Emërimin e datës 19.09.2019, Kolegji ka konstatuar se ankuesi është i punësuar në pozitën e punës „Zyrtar për zhvillim të zonave ekonomike“, në Agjencinë për Investime dhe Përkrahjen e Ndërmarrjeve në Kosovë- KIESA, në kuadër të Ministrisë së Industrisë, Ndërmarrësis dhe Tregtisë, i cili pretendon sa i përket kërkesës për zbatimin e Vendimit të Qeverisë Nr.02/39 të datës 08.10.2008, për realizimin e shtesës në pagën bazë për profesionet e kategorive deficitare.

Udhëheqësja e Personelit të Ministrisë së Industrisë, Ndërmarrësis dhe Tregtisë, me datë 12.03.2021 i është drejtuar me kërkesë Departamentit të Menaxhimit të Zyrtareve Publike (me tej DMZP), lidhur me të drejtën e shtesave mbi pagën bazë sipas Vendimit të Qeverisë së Kosovës Nr.02/39 të datës 08.10.2008. Që në të njëjtën datë DMZ ka ofruar përgjigje në kërkesën e Udhëheqëses së Personelit të Ministrisë së Industrisë, Ndërmarrësis dhe Tregtisë, me sqarimin se ende nuk është themeluar Komisioni gjegjes për shqyrtimin e kërkesave të institucioneve të Shërbimit Civilë, lidhur me kompensimin e shtesave mbi pagën bazë të kësaj çështje.

Kolegji për Shqyrtimin dhe Vendosjen e Ankesave gjatë shqyrtimit të ligjshmërisë së pretendimeve ankimore të ankuesit, ka analizuar Vendimin Nr.02/39 të datës 08.10.2008 të Qeverisë së Republikës së Kosovës, përmes të cilit është aprovuar lista e pozitive dhe shtesave në pagë për kategori të veçanta të profesioneve deficitare në fushën e teknologjisë informativë dhe inxhinieringut, dhe Vendimin Nr.07/29 të datës 31.07.2008 të Qeverisë së Republikës së Kosovës, me të cilin është përcaktuar procedura për parashtrimin dhe trajtimin e kërkesave dhe mënyra e realizimit të shtesave për kategoritë e veçanta të profesioneve deficitare, dhe rrjedhimisht është konstatuar se aprovimi i shtesave në pagë për pozita deficitare është bërë me qëllim të ruajtjes së kategorive të veçanta deficitare të punonjësve, stimulimit të konkurrimit për profesione të veçanta deficitare dhe zbatimit të parimit të pagesës së njëjtë për punë të njëjtë në të gjitha organizatat buxhetore. Po ashtu, me këtë vendim është përcaktuar se paga bazë së bashku me shtesat mbi pagë nuk mund të tejkalojnë pagën e zyrtarëve të lartë të emëruar nga KELP-i, si dhe është obliguar Ministria përgjegjëse për Administratë Publike dhe Ministria e Financave për shqyrtimin e listës dhe standardëve kualifikuese dhe shumës stimuluese për postet e caktuara, se paku një herë në gjatë muaj.

Kuvendi i Republikës së Kosovës, me datë 13.05.2010 ka aprovuar Ligji Nr.03/L-147 për Pagat e Nëpunësve Civil, përmes të cilit është bërë përcaktimi i sistemit dhe strukturës së pagave, shtesave dhe

kompensimeve të tjera për nëpunësit civilë, ndërsa me dispozitat e nenit 14 të këtij ligji është përcaktuar se: 1. Shtesat mbi pagën bazë janë: 1.1. shtesa për punë me ndërrime dhe jashtë orarit të punës; 1.2. shtesa për kushte specifike pune; dhe 1.3. shtesa për kushtet e tregut", lidhur me dispozitat e nenit 27 të Ligjit Nr.03/L-147 për Pagat e Nëpunësve Civil, Qeveria e Republikës së Kosovës, me datë 24.12.2012 ka aprovuar Rregulloren Nr.33/2012 për Shtesat në Pagë dhe Kompensime të Tjera të Nëpunësve Civil, përmes të cilës ka përcaktuar kushtet dhe procedurat për shtesat dhe kompensime të tjera mbi pagën bazë të nëpunësve civilë. Me hyrjen në fuqi të kësaj rregullore janë shfuqizuar të gjitha aktet nënligjore të cilat kanë rregulluar shtesat dhe kompensimet tjera të nëpunësve civil, dhe rrjedhimisht edhe Vendimi Nr.07/29 i datës 31.07.2008 dhe Vendimi Nr.02/39 i datës 08.10.2008 i Qeverisë së Republikës së Kosovës, konstatim ky i dhëne edhe në Raportin Vjetor të Vitit 2017 të Këshillit të Pavarur Mbikëqyrës për Shërbimin Civil të Kosovës.

Kolegji për Shqyrtimin dhe Vendosjen e Ankesave, bazuar në dispozitat e Rregullores Nr.33/2012 për Shtesat në Pagë dhe Kompensime të Tjera të Nëpunësve Civil, sipas nenit 8 të kësaj rregullore, ka arritur të konstatoj se Ministria përgjegjëse për Administratë Publike, në bashkëpunim me ministrinë përgjegjëse për financa, mund të kërkojë nga Qeveria që të miratojë një shtesë për kushtet e tregut për pozitat ose llojet e pozitave për të cilat niveli i pagës për personelin e ngjashëm nga organizatat dhe punëdhënësit e tjerë jashtë Shërbimit Civil është së paku 40% më i lartë sesa niveli i pagës që ofrohet nga Shërbimi Civil, e kjo shkakton vështirësi të konsiderueshme në rekrutimin dhe mbajtjen e personelit të kualifikuar për ato pozita ose lloje të pozitave në administratë publike, ndërsa institucioni për realizimin e shtesës për kushtet të veçanta të tregut duhet t'i ofrojë Ministrisë për gjegjëse për administratë publike kërkesën lidhur me arsyesh-mërinë e realizimit të shtesës dhe një analize që dëshmojnë vështirësitë të cilat janë hasur nga institucioni gjatë rekrutimit dhe mbajtjes së personit të kualifikuar, listën e pozitave përkatëse dhe koston vjetore të vlerësimit financiar. Shtesa mbi pagën bazë për kushte të veçanta të tregut nuk mund të tejkalojë më shumë se 50% të pagës bazë.

Andaj mbiu bazë të deklarimeve të mësipërm Kolegji për Shqyrtimin dhe Vendosjen e Ankesave ka konstatuar se pretendimi ankimor i ankuesit për realizimin e shtesës në pagë sipas Vendimit Nr.02/39 të datës 08.10.2008 të Qeverisë së Republikës së Kosovës, është i pa bazuar.

Kolegji për shqyrtimin e ankesës, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit sipas Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në diapozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.



Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.284/2021, datë 26.05.2021

Zyle ~~Millaku~~ GOJNOVCI

Zyrtare e lartë për Bashkëpunim Profesional



Vendimi i dërgohet:

- Ankuesit
- Sekretarit të Përgjithshëm në Ministrinë të Tregtisë dhe Industrisë ;
- Udhëheqësit të Personelit në Ministrinë e Tregtisë dhe Industrisë;
- Departamentit për Menaxhimin e Zyrtareve Publik; dhe
- Arkivit të KPMSHCK-së.

